

欽定大清會典圖

欽定大清會典圖卷二百五十七

輿地一百十九

鎮遠府圖


銅仁府圖


黎平府圖

安順府圖

興義府圖

鎮遠府圖







鎮遠府在省治東北四百五十里。至

京師四千二百九十里。領廳二州一縣三治。鎮遠西施秉東南台拱廳清江廳天柱西南黃平州平江。一曰鎮陽江。卽潯陽江。出黃平州南金鳳山。北流合西來一水。又經飛雲洞東。又合西來一水。又東北經施秉縣楊柳營南及偏橋南。又東至沙坪鋪。二水自縣西北經鋪西來注之。二水自府西北合南流經鋪東來注之。始曰鎮陽江。經府治西。右納二水。又東右納焦溪。又東入思州府清溪縣界。清水江上源二。一曰緒梁江。一曰馬尾河。

魚自都勻府清平縣入界。經黃平州南合東流為清水江。經施秉縣及府治南至台拱廳西。九股河自都勻府丹江廳來東北流注之。又東北德明河東南流注之。又東南經清江廳北。邛水二源合南流注之。又東南錯入黎平府開泰縣界。復經天柱縣東南直銀水自縣西北合等溪東南流注之。又東北入湖南靖州會同縣界。為沅江。雲台山在施秉縣西北。府東至北界思州府。西界平越州。南及西南界都勻府。東南界黎平府。湖南晃州廳。沅州府。靖州。西北界石阡府。

銅仁府圖







銅仁府在省治東北六百九十里。至

京師四千五百四十五里。領縣一。西銅仁。大江即辰水。出縣西北梵淨山。合數水南流。經提溪。司西合提溪。又南折東經縣南。省溪南流注之。凱洪溪北流注之。又經府治西。小江亦出梵淨山。合一水南流來會。又東經府治南。司前溪東北流注之。又東入湖南沅州府麻陽縣界為辰水。府東界湖南沅州府。西界石阡府。南及西南界思州府。北界松桃廳。東北界湖南鳳凰廳。西北界思南府。

黎平府圖







黎平府在省治東南八百七十五里。至

京師四千七百一里。領廳二縣二。治開泰。東南永從。西南下江廳。古州廳。清水江自鎮遠府東南流入界。經府治北。烏下江出府治西。合二水東北流注之。又東北新化江亦出治西。二源合東北流注之。又東北入鎮遠府天柱縣界。都江一曰古州江。自都勻府東流入界。經古州廳南。左納彩江。又經下江廳南至永從縣西南。兩妹南入廣西柳州府懷遠縣界。曹平江上源為溶江。與車江並出古州廳北。合東南流經下江廳南。

亦至永從縣西南丙妹北入懷遠縣界為福祿江。雍里河自羅城縣來亦入其縣界注之。潘亢河即渠水西源。出水從縣南東流合一水折北入湖南靖州界。府東及東北界湖南靖州。西及西南界都勻府。南及東南界廣西柳州府。北及西北界鎮遠府。西南界廣西慶遠府。

安順府圖





安順府在省治西南一百九十五里至

京師四千九百四十里。領廳二。州二。縣三。治晉定。東
北安平清鎮。西南歸化廳。鎮甯州。永甯州。西北郎
岱廳。北盤江自晉安廳東南流入界。經郎岱廳西。
一水自大定府水城廳南流注之。又東南經永
甯州西毛口北。左納一水。又東南。拖長江自興
義府晉安縣來。合晉安廳之庚戌河。東北流注
之。又東南。西坡河自興義府安南縣來。東北流
注之。經州西。又南。右納馬涼河。馬畢河。亦自安
南縣來。北流注之。折東入興義府貞豐州界。甯

谷河一曰九溪河。出府治東山。合數水西南流。經鎮甯州南。白水河出州西北。合穿城河壩陵河。落葉河南流來會。又經永甯州東。亦入貞豐州界。注北盤江。巖下河出歸化廳西。南流錯入貞豐州界。復經廳西南。爲泥江。西南流來會。又西南復入貞豐州界。亦注北盤江。猛渡河。剋孟河。並出府治東南。入貴陽府羅斛廳界。簸渡河。自水城廳南流入界。經郎岱廳北。合一水折東流。經鎮甯州北。墜極河。自大定府平遠州來南流。注之。谷龍河。合二小水。爲三岔河。北流注之。


又東北經府治北安平縣西北入平遠州界雞
公河上源為大水河出府東北合一水東南流
錯入貴陽府界復北流經安平縣東羊腸河東
流注之。又北經清遠縣北右納一水。又北入貴
陽府修文縣界。府東及東南界貴陽府。西界普
安廳。南及西南界興義府。北及西北界大定府。


興

義

府

圖





興義府在省治西南六百二十七里至

京師五千三百六十七里領州一縣三西北興義
安南普安東北貞豐州南盤江上源曰八達河
自雲南曲靖府羅平州來經興義縣西南廣西
泗城府北緣界東北流九龍河亦自其州來合
上江水注之經養馬塘南東流左納中江水經
安廈塘南左納下江水又曲東流經縣南馬別
河上源曰深溪河二源東曰阿希河西曰木郎
河各會一水合東南流經府治西南合都威河
注之又東左納三道溝水經貞豐州南界會北

盤江。北盤江自安順府永甯州東南流入界。經貞豐州西。甯谷河亦自其州來注之。又南巖下河自安順府歸化廳來注之。又南魯溝河二水合東流注之。又南右納綠海水。又南與南盤江會。又東北入貴陽府羅斛廳南界。拖長江自普安廳東北流入界。經普安縣西北三小水合北流注之。又東北與西坡河馬畢河並入永甯州界。注北盤江。抹角河自普安廳來合一水西南流入曲靖府平彝縣界。府東界貴陽府西及西南界雲南曲靖府南及東南界廣西泗城府北。

及東北界安順府西北界普安廳

欽定大清會典圖卷二百五十八

輿地一百二十


都勻府圖


石阡府圖

大定府圖

遵義府圖

都勻府圖






都勻府在省治東南二百四十里。至


京師四千九百八十里。領廳三州二縣三。治都勻。南獨山州。北麻哈州。東北丹江廳清平。東南八寨廳。都江廳荔波。豬梁江為清水江北源。自平越州東流入界。經清平縣北。麻哈河上流為兩岔河。自州南合數水北流來會。又東入鎮遠府黃平州界。馬尾河即劍江為清水江南源。出府西南合一水東北流。邦水河合龍潭河諸水東南流來會。又東北經府治南。又東右納一水。經吳家司折北。經麻哈州及清平縣東。亦入黃平州界。

會緒梁河。大丹江出丹江廳西南。小丹江出廳東南。合東北流為九股河。又東北入鎮遠府台拱廳界。注清水江。都江一曰獨山江。出獨山州西。曰邦水河。合二水東北流經州南。東流經都江廳西南。一水自八寨廳南流注之。又東入黎平府古州廳界。勞村江出荔波縣東北西南流。經縣西南。右納一水。又東南永長溪自古州廳來。經都江廳永長山南。左右合數水。經舊荔波縣城北。西南流來會。又南入慶遠府南丹土州界。豐甯河出府治南。合數水西南流入貴陽府。

定番州界注巴盤江。甕首河自貴陽府貴定縣
東北流入界。經府治西。合一水西北流。仍入其
縣界。府東及東南界黎平府。西及西北界貴陽
府。南及西南界慶遠府。北界平越州。東北界鎮
遠府。

石阡府圖







石阡府在省治東北五百三十五里。至

京師四千四百五十里。領縣一。西北龍泉。烏江自平越州餘慶縣東北流入界。經府西落花屯水東南流注之。又東經治北。白岩河一曰龍底河。二源環府治西而北。右納一水注之。又東北入思南府界。羊子河石貫河並出龍泉縣西。合東流。經縣北。義陽山南為義陽江。右合一水東流為清江溪。亦入思南府界。注烏江。洪渡河出龍泉縣西北山。東流經縣北。綏陽場入思南府安化縣界。大水河亦出縣西北。合小水河出界注

之。府東至南界思州府。西界平越州。北界思南府。東北界銅仁府。西北界遵義府。西南界鎮遠府。

大定府圖





大定府在省治西北三百四十里至


京師五千八十五里。領廳一州三縣一。東南黔西
州平遠州西北畢節西南水城廳威甯州烏江
一曰黔江上源曰七星河出威甯州南合八仙
海泚處海菩薩海諸水東北流一水三源合東
北流經歇涼亭來注之。又經黑章汎黑章河北
流注之。又東北左納三道水及羊街水又東北
經畢節縣西則底河自四川鎮雄土府來合後
所河曲折南流注之。又東南右納二水又經府
治西右納暑仲河通德河水經府治西南落腳


河會畢節縣境諸水及府西數小水來會。為六廣河。又東烏西河合石溪水南流注之。又東西溪合二水南流注之。又經黔西州西裸龍河高家河並東北流注之。經州南卜牛河出平遠州南合數水東北流注之。又東右納以麥河平溪水。又東受簸渡河。河一曰鴨池河。出水城廳西。以且海合一水東北流。經廳北折東南。水城河東北流來會。又東南左納扒瓦汛以固汛武著河諸水。錯入安順府界。北古河合墮極河出境注之。復經平遠州東合二小水北流注烏江。烏

江又東。跳蹬河自鎮西衛北流注之。又東入貴陽府修文縣界。以濟河出黔西州西北西南流經治南。折東北合打鼓寨水。又東北渭河出州西北合烏箐河東流來會。又東北沙河合鼓樓水。三現身水東南流來會。亦曰沙河。又東北入修文縣界。北盤江即宛溫水。出威甯州西山。二源合南流經瓦渣汎西為瓦渣河。又南錯入雲南宣威州界。經可渡司為可渡河。復經水城廳南。桃花溪結里汎各水並南流注之。折東南右納木冬河。又東左納黑勝汎水。又東南入普安。

廳界牛欄江上流白車洪江自雲南東川府會澤縣北流入界經威甯州西合膩書河又北流入昭通府恩安縣界洛澤河出威甯州合數水北流入雲南昭通府恩安縣界赤水河自昭通府鎮雄州東流入界經畢節縣北右納一水至府治北永岸小河合數水東北流注之卧牛河合油杉河及數小水並北流注之又北入敘永廳永甯縣界府東界貴陽府西界雲南東川府南及東南界安順府西南界普安廳雲南曲靖府東北界遵義府西北界雲南昭通府敘永廳

遵義府圖





遵義府在省治東北二百八十里至

京師五千四百六十里。領州一縣四。治遵義東北綏陽正安州。西北桐梓仁懷。烏江自貴陽府來。合沙河緣界東流。經府治烏江城北鎮南關南。左納中渡河樂閩河及二小水。又東南南會清水江入平越州界。湘江出府西北龍巖山二源合南流。經府治東南。桃溪出府西北東南流注之。又東南洪江出婁山關南。合鳳凰溪東南流來會。又東南鹿塘河一曰樂安河二源並出。綏陽縣北合南流來會。折南入平越州界。注烏江。

湄潭河自平越州湄潭縣南流經府東南仍入其縣界注烏江赤水河自四川敘永廳永甯縣東流入界經仁懷縣南龍場營北犍子關一水自東南流注之又東經鄢家渡至黎民鎮一水自清水塘東北流注之又東經府西沙壩河合數水北流注之又東北折西左納鹽井河又西北經仁懷縣東南右納楓香壩河左納九溪河經縣治西右納一小水又西北齋郎河出桐梓縣北合漆溪水西流注之右納古蘭河水又西北錯入仁懷廳界水思河金沙溪並出界注之復

經縣西北右納高洞河又東北入四川瀘州合江縣界平坦河亦在縣北入四川重慶府江津縣界綦江上源曰松坎河出桐梓縣東北二源合西北流左納一小水又北坡頭河自重慶府綦江縣來西流注之左納一小水又北入綦江縣界小烏江一曰渡頭河出綏陽縣北婁山關東合桑木塘水關渡河北流曰米糧渡左納一水又東北右納牛渡河經州東左納清溪河橋溪河又東北芙蓉江合一水北流注之又東北三江河自綦江縣來合安四溪東南流來會又

東北入思南府婺川縣界亦曰芙蓉江府東及
東南界平越州西界四川敘永廳南界貴陽府
北界四川重慶府東北界思南府西北界四川
瀘州西南界大定府

欽定大清會典圖卷二百五十九

輿地一百二十一


松桃廳圖

普安廳圖

仁懷廳圖

平越州圖

松
桃
廳
圖





[illegible]

松桃廳在省治東北八百二十里。至

京師五千一百二十里。武溪為酉水西南源。俗稱牛角河。出廳西合二水東流。折北入四川酉陽州秀山縣界。沱江出廳南東流入湖南鳳凰廳界。思印江一曰清水河。出廳西二水合西流入思南府印江縣界。廳東及東南界湖南鳳凰廳。西及西北界思南府。南及西南界銅仁府。北界四川酉陽州。東北界湖南永綏廳。

普安廳圖







普安廳在省治西南一千三里。至

京師五千七百四十三里。北盤江自大定府水城
廳東南流入界。經廳東北右納羅摩塔河。又東
南入安順府郎岱廳界。拖長江出廳西南平彝
所。經亦資孔北流左合一水。東北流一水自海
子鋪東北流來會。經廳北東南流至軟橋驛。有
數水合東流來會。又東北入興義府普安縣界
緒場河出廳北。北流折東合二水。又東南亦入
普安縣界。注拖長江。抹角河出廳西南入興義
府普安縣界。廳東至南界興義府。西及西南界

曲靖府。北及西北界大定府。東北界安順府。

仁懷廳圖






仁懷廳在省治西北九百七十里至

京師五千七百里。赤水河自遵義府仁懷縣西北流入界。經廳東南。水思河亦自其縣來西南流注之。又西北儒溪泥溪猿猴溪並東北流注之。盤橋溪西流注之。折東北金沙溪亦自其縣來合葫蘆溪西南流注之。又西北堯壩溪沙壩溪並西南流注之。又經治南。後溪北流注之。折北經廳西。風水溪及二水並自廳西東流注之。經廳北曲折東北流仍入仁懷縣界。廳東及東南界遵義府。西至南界敘永廳北及西北界四川

瀘州

平越州圖



平越州在省治東北一百九十里至

京師四千五百十里。領縣三。東北餘慶。湄潭。西北
甕安。烏江自貴陽府開州東流入界。經甕安縣
北。至華山南。又東。湘江自遵義府治南流來注
之。甕安河出甕安縣南。北流為乾溪河。經縣西
又北。合坪橋河。紅頭鋪河。草塘司河。東北流注
之。又東。湄潭河出湄潭縣北。合數小水。錯經遵
義府界南流來注之。又經湄潭縣南。餘慶司水
南流注之。又經餘慶縣北。小江。清水洞水並出
縣西。牛場河出縣東。合東北流注之。又東北入

石阡府界。豬梁河一曰地松河。出州西北。山東
南流。一水出州西南。合數水。經黃絲驛。東北流
來會。又東南。經州治南。府城水出州西北。東南
流。岐為二。夾州治來注之。又東。卡龍河出州西
北山。經牛場。合二水。東南流注之。羊腸河東北
流注之。又東。入都勻府清平縣界。福泉山在州
南。州東至南界都勻府。西及西南界貴陽府。北
及西北界遵義府。東北界鎮遠府。石阡府。